

欽定大清會典事例

欽定大清會典事例卷一千一百三十六

八旗都統

教養 考試一

考試 ○天聰三年

諭自古國家文武並用以武功戡禍亂以文教佐太平。朕今欲振興文治於生員中考取文藝明通者優獎之以昭作人之典。諸貝勒府以下及滿漢蒙古家所有生員俱令赴考。於九月初一日令諸臣公同考校。有考中者仍以別丁償之。欽此。遵

旨考試儒生得二百人。分別優劣。凡在包衣下及滿洲

蒙古家為奴者。盡皆拔出。一等賞緞二疋。二等
三等者賞青布二疋。俱免其差徭。○崇德六年。
內三院大臣以滿洲蒙古漢軍士人考取秀才
並舉人具奏奉

旨。忠經有云。在官惟明。莅事惟平。立身惟清。聽不可以
不聰。視不可以不明。清則無欲。平則無曲。明能正俗。
聰則審於事。明則辨於理。爾等善體此言。從公考校。
欽此。遵

旨考試。一等者各賞緞一疋。青布二疋。二等者各賞緞
一疋。青布一疋。三等者各賞青布二疋。○順治

六年奉

旨。八旗漢軍通曉漢文者。無論俊秀閒散人等。並赴廷試。文理優長者。准作貢士。以州縣即用。○八年題准。

八旗滿洲蒙古漢軍子弟有通曉文義者。令提

學御史考試。入順天府學。其取進生員之額。詳禮部學校門。與

漢人一體應鄉會試。中式後。照甲第除授官職。

其滿洲蒙古子弟。並令內院禮部會同考試。通

滿文者作滿文。兼通漢文者繙譯漢文。惟漢軍

專由順天學政考試。與漢人同。○九年定。八旗

漢軍生員廩增生之額。其廩生各有園撥地畝。

不給廩餼。○十年。定八旗滿洲蒙古生員廩增之額。○十四年。

諭。我國家創興。全賴治兵有法。今見八旗人民。崇尚文學。怠於武事。詳究其源。皆由限年定額。考取生童。鄉會兩試。即得升用。各部院衙門。考取博士及筆帖式。徒以文字由白身優擢七品官。得邀俸祿。未幾又升副理事主事等官。得免從軍之役。各部院衙門。一事數官。以致員缺居多。無不樂於部用。今後限年定額。考取生童鄉會兩試。俱著停止。○康熙六年題准。八旗子弟有願作漢文考試者。各都統開送禮部。

移送順天學政考試。滿洲蒙古各編一號。漢軍與漢人同場考試。文優者即入順天府學漢生員額內。○九年題准。八旗滿洲蒙古漢軍應試者。照漢童生例。由禮部轉劄順天府府丞先行錄取。再移送學政考試。○十年。定八旗生員選拔貢生之例。○十二年題准。

盛京八旗子弟通習漢文者。與漢人一體考試。取

進生員。

其額數詳禮部學校門。

○又題准。向例八旗生員。

於鄉試前一年八月考試一次。嗣後八旗生童。俱照漢生童例。定為三年歲科兩考。○十五年

覆准。八旗滿洲蒙古漢軍考試生員舉人進士之例。暫行停止。○二十六年

諭八旗滿洲蒙古漢軍。復准同漢人一例考試。欽此。遵旨議定。

京師及

盛京八旗滿洲蒙古漢軍考取生員額數。仍照舊例取進。其

盛京八旗滿洲蒙古漢軍鄉會試。即編入在京滿洲蒙古漢軍數內。一併考試。○二十八年議覆。考試滿洲生員。先試騎射。奉

旨。考取舉人進士。亦令騎射。儻將不堪者取中。監箭官及中式人一併治罪。○二十九年題准。

盛京八旗滿洲蒙古漢軍考取之生員及監生應

鄉試照

京師考試之例。於場前令將軍副都統等驗射馬步箭。能者送該府丞考試。不能者不准入場。至會試時。與在京舉人一體考試馬步箭。○又議准。八旗童生考取生員時。亦先令射馬步箭。能者方准入場。○三十年定。

盛京八旗童生考取生員者。亦先驗馬步箭。於未

入場之前。由將軍副都統等考驗。能者方准考試。○三十三年題准。上三旗包衣滿洲佐領管領下。及下五旗包衣滿洲佐領管領下子弟。俱歸併八旗滿洲蒙古考試。上三旗包衣旗鼓佐領下。及下五旗包衣旗鼓佐領下子弟。俱歸併八旗漢軍考試。○三十四年題准。盛京八旗包衣佐領下子弟。准其考試。○三十五年題准。

盛京

福陵千丁家。有佐領官品級者。有監生部用以年滿考

職者。其子弟准與八旗漢軍童生一體考試。
三十六年題准。

盛京八旗包衣佐領下子弟考試之例。暫行停止。
○四十八年

論八旗漢軍用文職者多。而用武職者少。嗣後武鄉會
試亦著八旗漢軍考試。所增額數。不過數名。可以收
健勇人才之用。於武科甚為有益。欽此。遵

旨議定。八旗漢軍包衣旗鼓佐領下無品級筆帖式庫
使。由官學生補授之外。郎閒散人等。有嫻習弓
馬。願考試武生者。該旗開具姓名。移送順天府。

照例送學政考取武生鄉試時。將所取武生並
中書及部院衙門六七八品筆帖式。廕監生及
監生之兼充護軍領催馬甲執事人。有願考試
武舉者。該旗亦開列姓名。移送順天府。與漢武
生一體鄉試。不中者仍各回原處當差。會試亦
照文場例。別編合字號。取中武進士。○五十三
年。覆准八旗文生員有願改入武場。武生有願
改入文場者。准其起送鄉試。其文舉人武舉人
有願改考者。亦照此起送會試。中式者照例造
入新冊。不中者仍歸文武原冊。不得再行改考。

○五十四年定。每逢鄉會試。兩翼

欽點都統各一人。副都統各二人。參領各一人。旗員各二人。入場約束八旗應試士子。俟三場試畢出闈。○五十五年覆准。

盛京

昭陵千子弟。與八旗漢軍童生一體考試。○五十七年覆准。

盛京

永陵千子弟。與八旗漢軍童生一體考試。○六十年定。鄉會試

簡派入闈約東八旗士子之都統等。俟出榜日一同出闈。○雍正元年奉

旨。八旗滿洲等除照常考試漢文外。技勇亦屬緊要。應將滿洲人等考取武秀才武舉武進士。著總理事務王大臣等會同該部。將作何考試額數多少之處定議具奏。欽此。遵

旨議定。八旗滿洲亦照漢軍之例。三年考取武生二次。武舉武進士各一次。鄉試取中舉人。現今為數無多。暫停會試。○又覆准。八旗漢軍武童考試外場。由兵部開列八旗副都統職名具題請

旨簡派一人會同順天學政考選

盛京武童由將軍委協領一人會同府丞考選再將選取之人由學政考試策論取進入學。又題准

盛京八旗包衣佐領下子弟復同八旗滿洲蒙古漢軍子弟一體考試。又

諭八旗舉人生員內有在護軍執事人行走者俱著退回。若係生員給予二兩錢糧米石。係舉人給予三兩錢糧米石。令伊等得以讀書。○二年覆准。嗣後每屆歲考令八旗都統將各佐領下應考生員嚴催

赴考。如有患病等情。呈明該教官申報學政。照例補考。若無故臨考不到。照例褫革。其年老有疾者。給予衣頂註冊。○又覆准八旗生員

特恩准給予錢糧養贍讀書。若無考校。恐或怠於誦讀。令該旗都統於歲考前將領錢糧生員備造清冊。咨禮部轉送學政嚴加考試。如有考居四等以下者。其錢糧停止給發。俟下次考居一二三等。照漢廩生開復例。仍給原領錢糧。如四等不願再考。即將學冊除名。聽其復歸護軍馬甲當差。○又議准。向例考試八旗生員。照考漢生員

例優等補廩補增。劣等降青降社。但八旗生員有考箭之例。文理兼長為難。嗣後八旗生員考試如無甚荒謬。但置之後等。不必苛求。○四年議准。向例鄉會試約束八旗士子。每翼用都統一人。副都統二人。參領一人。章京二人。嗣後改派副都統二人。旗員四人。亦足以資彈壓。每翼派副都統各一人。參領各一人。散秩官各一人。入闈稽查彈壓。三場試畢。副都統等即令出闈。

○五年

諭士子讀書應試。須專心講習。方可望其成就。八旗舉

人生員內在護軍執事人行走者。朕念其用度艱難。恐致分心。是以於雍正元年特加殊恩。令其退回。仍賞給錢糧養贍。俾得專心讀書。勉勵上進。庶國家可收得人之益。今已三年有餘。其中或有年力衰邁。及不肖之人。徒領錢糧。無志上進。虛糜國帑者。亦未可知。若不加考課。分別勤惰。無以鼓勵人材。著將八旗滿洲蒙古舉人生員。漢軍舉人。查明人數。請題考試。其考官將應行開列人員請旨派出。分別等第。並檢其人品優劣具奏。○七年

諭。凡由舉人考試補用之筆帖式。俱准其與舉人一體

會試。其由貢監考試補用之筆帖式。亦准於考試。繙
譯舉人時一同考試。皆所以廣育人材。使之各有所
成就也。至於由貢監生員考試之小京官筆帖式等
員。其中未必無通曉舉業文藝之人。若因其已經出
仕。遂不得與於鄉試。則彼平日之所學。莫由表見。亦
屬可惜。著通行八旗。凡由貢監生員考取之小京官
筆帖式內。若有願就鄉試者。准其一同入場考試。使
片善寸長。不致遺棄。以副國家優育人材之典。○又
題准。八旗送考童生。照外省考試之例。先由該
旗佐領考試。送參領考取。彙報都統咨送學政。

入場之日。各該佐領親率領催送考。會同點名
揆檢。如有代考夾帶等弊。或該參領佐領不秉
公考試。查出一併治罪。○又覆准八旗考試文
武生員舉人進士。俱先由兵部考試馬步箭。嗣
後定於四月以前。禮部行文各該旗移取名冊。
該旗即將考試之人。姓名年貌造具清冊。於兩
月以前移送禮部。禮部會同兵部覈對。如該旗
不依限造送。禮部題參。如禮兵二部不詳加覈
對。致有遺漏外錯者。監射大臣題參。所有遺漏
之人。仍補入冊內。准其考試。至鄉試之年。不必

拘定四月兩月之限。於科試考取後。該旗速行
造冊送部。轉送兵部考試騎射。○又定。考試時
每旗除照例委參領一人送考外。每參領下委
賢能章京各一人。每佐領內管領下委領催各
一名。帶領應試之人。送參領等官識認。於騎射
時公同送考。並將委出之參領章京領催等職
名。一併移送禮部註冊。禮兵二部覈對應試人
等名冊時。亦傳集參領等公同查對。毋致遺漏
舛錯。俟射畢入場時。令原委參領等識認送考。
如對冊考射入場時。該參領等有不到者。該部

即行題參。○又議准。八旗年未至十五歲之童。生均停其騎射。止考試步射。如有熟悉騎射。情願考試者聽。○又覆准。凡屆考試之期。兵部咨取副都統等職名。各該旗副都統。即擇定本旗老成勤慎能識漢字之領催五名。俟宣旨之日。各率至

午門前豫備。其

欽點副都統。即率本旗領催。一同入場。於八旗應試人等。所編號口柵欄外。加意看守。照依卷面字樣放進。封號後。隨參領等官巡查。○又議准。

盛京禮部所屬千丁之子弟。照

三陵千丁子弟之例。一體考試。○十年議准。八旗童生。遇考試之年。禮部行文到日。各參領徧傳各佐領下童生彙齊造冊。申送本旗都統。擬定考試日期。行文翰詹衙門。咨取科甲出身滿洲官一人。在該旗公所。會同參領佐領考試。應試童生。屆期黎明齊赴該旗公所。聽各該佐領點名。識認。以杜頂冒等弊。試竣。將錄取童生數目呈報都統。造具三代履歷年貌滿漢清冊。移送禮部。轉送兵部考射。其試卷鈐印彌封。巡邏按檢等

項均交各該旗委官辦理。○十一年奏准。向例八旗屆考試之時。令各該旗將應考之人。詳加分別滿洲蒙古漢軍。明白註冊。如有漢軍冒入滿洲額內取中者。一經查出。將咨送之都統等官。照蒙混造冊例。分別議處。應考人照冒考例革退。定例本屬嚴明。但迄今日久。包衣人等。或有不知此例者。應行文內務府。並八旗都統。將雍正十一年後。有包衣舊漢人。誤在滿洲額內入學出貢。應歸入漢軍額內考試者。定限三月查明。取具該參領佐領印結。造冊送部存案。○

十二年

諭。清釐八旗歲考不到生員。原以杜規避之弊。然不肖旗員。或藉此生事苛求。亦未可定。著該都統轉飭參領佐領秉公辦理。儻有徇情蒙混。及需索苦累等事。該都統即行叅究。○又

諭。朕御極以來。於滿漢人材。廣開登進之途。冀收得人之效。是以雍正元年定有滿洲亦准考試武場之例。今已行之十年。未見有宜用綠營之才。况滿洲弓馬技勇。遠勝漢人。將來行之日久。必致科場前列。悉為滿洲之所占。而滿洲文藝不及漢人。又恐考試內場

時不免有傳遞代作等弊。似於作養人材之道。未有裨益。著行停止。○又覆准八旗生員。遇歲科兩試。令該都統轉飭各參領佐領。及滿洲學教官。嚴催赴考。如駐防各省。或隨任遠方。及患病不能赴考者。本旗查明緣由。知照學政。飭發教官造冊。註明某生駐防某省。某生隨任某地。某生實係患病。加結申報。如該旗既無知照。教官又不申報。一任該生捏辭託故。抗不赴考。扶同徇隱者。本生照例除名。該管各官。一併叅奏議處。如旗人有藉端需索。高下其手。或在

京師混稱駐防隨任。或已經考試。仍不令回原處者。該都統即行糾參。○又奏准八旗考試童生。照漢童生考試之例。取具本旗廩生認結。由該都統送部。俟順天府府丞與學政考試時。令滿洲學教官二人帶領各廩生當堂識認。以杜頂冒之弊。○又議准外省駐防人等赴京考試者。應令各省駐防之將軍城守尉等。豫先查取本人三代年貌旗分佐領。造具滿漢清冊。出具保結。咨送該旗。並出具年貌印文。給發本人投遞。在京該旗報部考試。○十三年奏准八旗漢軍

養育兵內。有情願考試武生者。與漢軍武童一例考試。○又議准。八旗開戶人等。

國初有投充者。有養育者。有俘獲者。伊等本係良民。既經開戶。即猶之復籍。自應准其居官。並與考試。至於旗下累世家奴。實屬出身微賤。若准其一體考試。非慎重名器之意。嗣後但許由旗下別途進身。其本身及子孫考試之處。永行禁止。○乾隆三年議准。八旗生員。如遇親喪。二十七月內暫停考試。○又覆准。滿洲漢軍考試。各有一定旗分。不能混淆。惟內務府及王公府屬。

人等。有假充莊頭子弟隸內務府管轄。編入上三旗者。又有舊漢人在內管領下。及下五旗王公府屬旗鼓佐領內者。此等原係漢人。並非滿洲。因考試時。皆由滿洲都統咨送。是以從前每有在滿洲額內入學中式者。應令內務府八旗滿洲都統覈明內務府及王公府屬舊漢人。誤在滿洲額內入學出貢。應歸入漢軍額內考試者。定限三月。逐一清出緣由。取具該參領佐領印結。造冊咨禮部存案。嗣後內務府八旗都統務嚴飭該管官。於考試時逐一稽查。其投充莊

頭子弟及內管領旗鼓佐領下之舊漢人均另冊送部歸入漢軍額內考試。如有將應入漢軍冊之人。造入滿洲冊內咨送者。查出參奏。該管都統佐領照蒙混造冊例議處。○又定。凡八旗另記檔案人戶奉

旨准其居官考試及抱養人民本係良家者均准考試。其八旗家下投充養育俘獲人等。雖經開戶之後。究係曾為人僕。其子孫仍不准考試。○四年覆准。嗣後學政歲試。八旗生員有患病事故者。俟科考時補。科考仍有患病事故者。俟下次

歲試時補。令該管官查覈嚴催。毋得逾限。又各省駐防及隨任生員。距京遙遠。應試多有未便。俟有來京鄉試者。即令補行歲試。如因路遠及有事故不與試者。令教官照例造冊申詳學政存案。不准止應鄉試。不補歲考。致滋規避之弊。該旗官員及該管教官亦不許藉端苛索。儻有詐稱駐防隨任。及已經考過。仍復羈留者。如係該管官徇情蒙混。即行叅處。其隨任回旗之生員。仍按欠考次數照例補試。○又

諭朕從前降旨。將代賠祖父虧空已奉恩免人等停選。

停補者。准歸入伊等班次銓用。其應追賠祖父虧空革職之員。亦准其一體開復。今朕念旗人有因代賠祖父虧空。力不能完。治以枷責之罪者。此等人員。與本身虧空。及緣事枷責者。究屬有間。概行擯棄。情亦可憫。伊等如願考試。著該旗查明。除原案內載有不准考試字樣外。俱准一體考試。俾各奮勉自新。以昭朕格外加恩之至意。欽此。遵

旨議定。旗人有因祖父虧空。力不能完。治以枷責之罪者。如係閒散人。應准其考試。其有已經出仕。及進士舉人貢監生員等。均照閒散人等。准其一

體應童子試。並得與旗下繙譯等項考試。其有曾經發遣。及入牢者。庫赦回者。本身仍不准考試。○又議定。鄉會試入場稽察。彈壓之副都統。准隨從役五名。參領旗員。准隨三名。○六年奏准。八旗遠年開戶人等。除前奉有

諭旨。准其考試之舉。監生員。仍准考試外。其投充養育。俘獲人等。雖經開戶。亦不准考試。至八旗另記檔案之人。雖與開戶有間。究非另戶可比。此內有另戶抱養民人。另記檔案者。本係良民。仍准其考試。又從前奉

旨准其居官考試者。原係

恩加本身。應仍准其居官考試。其有奉

旨後。考中舉貢生員。並捐納貢監者。將伊等仍留舉貢
生監頂戴終身。伊等子孫及一切另記檔案人
等考試之處。概行禁止。○又議准。停止八旗滿
洲筆帖式考試武場。惟漢軍仍得考試。並准其
文武改考。○又議准。八旗應試人等。有年至五
十五歲以上者。免考騎射。○又覆准。文武互試
之例。永行停止。○九年。奏准。貢院轍門外。八旗
分為八處。凡送考之參領等。率領應試士子。各

按旗分。隨牌候點。如有混行進入者。立即治罪。先期行文各旗。將送考之參領旗員姓名。並每翼委出之軹門參領姓名。開送外場監察御史。如送考之參領旗員。有不按旗分。一任士子混入者。該御史即將送考之參領等查叅。如軹門參領。一任送考之人。混入擁擠。除將混入之人治罪外。仍將該參領叅處。○又議准。嗣後八旗鄉試。禮部先期行文八旗將應考生監人等造冊送部。咨送兵部考試馬步箭。合式者造冊劄發順天府。仍劄行順天學政。傳八旗生員前赴

科考錄遺。造冊移送順天府。查明科冊箭冊俱有名者。方准入場。○十年議准。向例

盛京工部四品官屬下千丁。得與

三陵及戶禮二部千丁一體考試。其五六品官並司匠所屬之千丁。未得與考。今應准其一體考試。入於奉天八旗漢軍內憑文取錄。○十四年奏准。八旗文生員貢監天文生中書筆帖式均照文鄉試錄科之例。取在一二三等者。方准鄉試。○十八年奏准。考試八旗童生。停止咨取科甲出身滿洲翰詹官赴各旗考試之例。○二十年

論八旗陳滿洲。因到京年久。向有考試之例。故姑從而留之。東三省新滿洲烏拉齊。與在京滿洲不同。止宜熟習騎射。為國家之用。嗣後東三省滿洲烏拉齊等考試之處。永行停止。○二十二年奉

旨。八旗童生生員。遇歲科考鄉試時。停其考試騎射。至會試時。仍照舊試馬步箭。如不中式。不准會試。○二十三年。學政莊存與考試八旗童生。因不能傳遞鬧場。經御史湯世昌等奏。

高宗純皇帝親臨覆試。遂獲懷挾夾帶諸弊。各按律治罪。奉

論滿洲風俗。從來瀆樸。八旗子弟。務以學習國語專精。騎射為事。即欲學習漢文。亦當潛心誦讀。量力應考。若自揣不能成文。而徒以傳遞懷挾。妄冀倣幸功名。是方其學習漢文時。已視為玩法舞弊之具。人品心術。尚可問耶。今旗童鬧場。本案已經審明完結。以後滿洲蒙古現任三品以上大臣之子孫。及親兄弟子姪。有應試者。俱令自行奏聞。必國語騎射皆有可觀。方准入場考試。並照鄉試之例。請派監試御史及監場都統各員前往彈壓。再京城旗童考試。既多沿習。驚名。則盛京應試亦可概見。著交該將軍禮部侍郎

及府丞詳悉定議具奏。欽此。遵

旨議定。嗣後

盛京滿洲蒙古八旗內。若有三品以上大臣之子
孫及親兄弟子姪應試者。亦照在京之例。令其
自行奏明。必國語騎射皆有可觀者。方准考試。
其三品以下官員。及閒散之子弟。俱由本佐領
保結。轉送將軍衙門。先考國語騎射。務使俱有
可觀。再送治中考試漢文。嚴加甄別去取。不得
濫行錄送。臨場時。除照例咨明將軍。派協領一
員。彈壓外。並咨禮部侍郎。派委司官一員。將軍

禮部侍郎仍親身前赴學政衙門會同府丞按
檢彈壓。○又奏准八旗文武生員有自康熙五
十年間及雍正七八年以前入學者年力衰老
久與給頂之例相符交各都統傳齊驗看凡年
老有疾者即行給予衣頂如其中或有已故者
或有荒廢願告退者或有已經別項出身者飭
令各都統查明按名咨覆以便開除嗣後屆歲
考之期豫行嚴切曉諭凡有事故者必令赴學
呈曉詳覆不到者即行黜革。

欽定大清會典事例卷一千一百三十七

八旗都統

教養

考試二

繕譯考試

八旗考試彈壓

乾隆二十四年議准。考試八旗童生。學政豫期行文。由都察院奏請。

欽點滿漢御史各一員監試。由兵部題請。

欽點副都統左右翼各一員。參領章京各二員。入場

彈壓。○二十五年奏准。八旗漢軍並內務府漢

軍三品以上之大臣。其子孫等有願考試者。仍

照舊例辦理。毋庸照滿洲蒙古之例自行奏明。

考試○三十年

諭前經降旨八旗三品以上大臣子弟果有嫻熟國語練習弓馬者遇考試之期該父兄自行奏明准其入闈原因八旗瀆樸素風近來未免沾染虛浮豔心詭遇且從而釣弋其名淵藪其弊是以示之節制俾知崇實黜華非概從禁制遏其進取之途也乃邇年來八旗大臣竟無奏請子弟應試者未免多生顧慮因噎廢食伊等竟不潛心力學而於國語騎射又未見專攻嫻習頓覺出色無自不如兼收並進猶可為造就之資也我國家滿洲世臣宣力贊政者多原不指

文章一途。但承平百餘年。滿洲詞臣。文藻黻飾。亦不可少。大臣子弟中。果能於國語騎射之外。兼習文藝。在伊等延請師資。擴充聞見。較之寒素之家。成材自易。嗣後所有八旗大臣子弟。仍准一體考試。毋庸奏明請旨。儻伊等仍不以實學就考。如前懷挾。或進身之後。仍蹈虛浮陋習。託名斯文。無裨實用。朕又何難隨時懲治。俾知所儆惕乎。可將此通諭知之。○又奏定。考試八旗文生員。監試御史於取中覆試時。仍隨同入闈。彈壓監試。○四十年奉

旨。據派出驗看會試舉人騎射王大臣等奏。應行會試

者一百二十五人。內報近視眼者七十二人。已揀令
二十人照常騎射外。其餘實屬不能之五十三人。俱
未騎射等語。騎射係旗人根本。即讀書人亦不可不
學。今考試者一百二十餘人。內報近視眼者竟有七
十餘人之多。明係捏報。希圖規避。所有不能騎射之
五十三人。俱著停其考試。嗣後考試人內。若有似此
不能騎射者。俱著停其考試。著為例。○四十一年議
准。八旗考試點名時。各旗雖派一佐領到場。人
數衆多。豈能徧為識認。恐不無頂冒之弊。嗣後
各旗專派正參領一員。率同各佐領下領催到

場如童生中有頂名冒替者。即時回明點名御
史照例辦理。○四十二年議准八旗貢監生員
應鄉試者。先由順天學政及國子監行文各該
旗造冊移送錄科後。徑送順天府。准其投卷入
場。其由部查取旗冊轉發之處停止。其童生歲
科兩考。亦即由順天府府丞查取旗冊辦理。至
考試繙譯舉人生員名冊。亦由各旗徑送順天
府覈辦。俱毋庸由部轉行。○四十四年

諭。滿洲讀書繙譯。固係當務之事。而馬步箭。究係滿洲
根本。斷不可不至精純熟。不能射馬步箭。即使繙譯

尚好。亦屬無用。是以凡遇考試。必特派王大臣先看馬步箭。擇其稍可者。方准應試。嗣後凡考試舉人進士生員之人。各該都統務必嚴行查察。善為教訓。於未考之前。揀選馬步箭可觀。以及稍可者。准其送名。儻仍有平常之人。被特派王大臣查出具奏。不惟不准其人應試。惟該都統是問。斷不寬恕。○四十八年奏定。

盛京八旗生員貢監赴京鄉試之人。由該府丞錄科後。造冊移送順天府。並將該生按名取其旗冊。備文交該生親投在京各本旗驗明。以便考

試。○五十九年奏准。凡出征病故五等軍功人員。其子弟給予無品級監生者。准其應試。○嘉慶四年議准。八旗駐防官弁子弟。凡遇歲科兩試。願考者。准其就近赴考。取進後。再行赴京鄉試。其額數照在京八旗之例。於童生五六名內。取進一名。任缺毋濫。現係初考。未經設有廩生。應由本佐領具結保送。俟設有廩生後。仍照例。令廩生保結。其馬步箭由本處駐防大臣驗看。後送該地方官於府考時。一併考試。錄送學臣。取進。○五年

諭嗣後各省駐防官弁子弟不得因有就近考試之例。遂荒騎射本業。著該將軍都統通飭各官弁等訓練子弟。以騎射為首務。其考肄舉業者。仍當嫻習騎射。務臻純熟。○六年

諭。殉節諸臣後嗣。補給恩騎尉世職。承襲之後。若概令分發各標營學習。其中或有未能諳習弓馬。差防者。轉非成全之意。所有世職人員。除仍照舊例支給俸餉外。其有願應文試者。即以本職頂戴作為文生員。願應武試者。即以本職頂戴作為武生員。准其一體應試。嗣後各省凡遇應襲恩騎尉世職。俱著照此辦。

理。○七年奏准。凡滿漢承襲恩騎尉人員。雖已當差。而未經得缺者。准其一律改為生員應試。○十五年

諭。各省考試文童。俱於入場時詳加校檢。原以查禁詭遇。透拔真材。何以八旗童試。向無校檢之例。若竟以懷挾傳遞。習為故常。在學臣憑文取士。必致挾帶詩文者。傲幸入選。而真材反被黜落。不可不嚴加防範。以端本源。而正文風。嗣後八旗童試。著順天府照考試繙譯生員之例。奏請欽派大臣逐名校檢。並著步軍統領衙門於圍牆外加意巡邏。嚴拏傳遞。以清弊。

源至向例入場之日。各該旗俱有參領領催等親行
識認送考。乃奉行日久。視為具文。更不免頂替代倩
之弊。所有各旗委出之參領領催等。如有於考試日
託故不到者。並著稽察之御史查明參奏。○二十二

年

諭。御史李振祐奏請禁考試騎射頂替積弊一摺。所奏
甚是。八旗以騎射為根本。是以考試進士舉人生員。
以及考試繙譯。均先閱看騎射。其弓馬生疏者。即不
准應試。此我朝之舊典。必應永遠實力奉行。若其人
素不練習騎射。臨場倩人替代。即與文場考試槍替

無異。必應按律治罪。嗣後凡遇此項考試。著各旗都統等親身先行考驗。能騎射者始准送名。派出監試之王大臣。於考試時。令各旗章京等逐排識認。射畢步箭。即射馬箭。仍令本人下馬。至階前報名。如查有替代情弊。將雇倩之人與替代之人一併治罪。僮監試王大臣等市惠徇縱。別經發覺。定將王大臣等一併懲處。嗣後遇有考試。著報明御前大臣。奏派乾清門侍衛二人。至放馬處監視。○道光十二年奏准。八旗及內務府送考卷冊。遇有應編官卷。由本家呈報佐領。仍由參領查覈。如有官卷混入民卷。

者。照例議處。

詳見吏部科
場處分門。

○十六年

諭。本日引見新進士。內正白旗滿洲進士慶廉一名。形同殘廢。步履甚艱。因思我朝錄用旗員。首重騎射。八旗士子應試。必先試以騎射。合式者方准入場。此乃一定之例。不可廢者也。慶廉既有殘疾。豈能考試馬步箭。適據御史永桐奏請飭查覈實等語。著兵部查明派出監射之王大臣如何定為合式。准其會試之處。東公據實具奏。並著監試王大臣及咨送考試之正白旗滿洲都統等明白回奏。○又

諭。前因正白旗滿洲進士慶廉形同殘廢。步履甚艱。當

降旨着兵部查明准其會試之處。據實具奏。並着監射王大臣及咨送考試之都統等明白回奏。茲據兵部及該旗都統監射王大臣等奏。中樞政考內載凡遇考試進士舉人生員人等。其有手拐者。免考馬步箭等語。並准兵部呈送大清會典暨中樞政考。經軍機大臣開單進呈。朕詳加批閱。會典內載係手疾字樣。中樞政考內載係手拐字樣。着兵部遵照會典改正。以歸畫一。該監射王大臣及咨送考試之都統等。於慶廉會試。雖屬遵例免其考試馬步箭。但慶廉形同殘廢。尚不止於手疾。該都統等不行駁斥。率准送

考。自係瞻徇情面。不肯認真。該監射王大臣按照原冊。不復行查。依樣葫蘆。不能實心任事。於此可見。睿親王仁壽。貝子綿德。及正白旗滿洲都統文孚等。俱著交各該衙門。嚴加議處。慶廉著仍照前旨歸班銓選。○十八年

諭。刑部奏候補主事慶霖。呈請將行走差使開缺回旗會試。當交吏部查議具奏。茲據查明。向例遇缺頂補之員。概不准呈請註銷。慶霖現係頂補主事。業經見缺。所有該員呈請開缺會試之處。著不准行。嗣後頂補人員。均不准於見缺後呈請開除差使。回旗會試。

具奏。欽此。遵。

旨議定。考試繙譯生童。由吏部行文翰林院各部院衙門。將滿洲翰林侍讀郎中等官。由清漢文出身。精通繙譯者。咨送開列具題。

欽點學政一員。其考試之童生。都統備造旗分佐領三代履歷年貌清冊。咨送禮部考試馬步箭。送學政於貢院內考試繙譯文一篇。現在新奉。

特恩。恐學習之人尚少。於本年十月考取生員一次。俟二年五月再行考取生員一次。嗣後定於三年之內考取繙譯生員二次。其取進額數。臨期視。

人數之多寡。奏請

欽定。又鄉試由禮部咨取滿洲兼通清漢文出身之
大臣官員並漢大臣職名。開列具題。

欽點滿洲正副主考各二員。滿洲同考官四員。又以
禮部滿洲侍郎一員為監臨官。會同順天府提
調官辦理。其應考之人不拘貢監生員及現任
筆帖式能繙譯者。俱照例考試。馬步箭咨送入
場。三場試畢取中。又會試以滿洲侍郎一員為
知貢舉。滿洲司官一員為提調官。有現在文舉
人能繙譯者。亦准入場考試。餘俱與鄉試同。其

殿試與文

殿試同。○二年

諭。考試繙譯舉人。即作三場考試。亦無非繙譯。作一次考好。一日一夜。量其所能。奏章一道。或四書。或五經。酌量出一題目考試。其優劣。便可見。這考試。並不作漢文字。不必派漢大臣。再考試舉子。俱係八旗人。其繙譯好者。衆所共知。即字迹亦最易認。伊等試卷。應行謄錄。其謄錄著六部各衙門善書之筆帖式。內酌量足用。選取。令其謄寫。其堪中式之卷。挑選呈覽時。再行定其額數。仍選備卷呈覽。分房及看守巡察官。

員。俱照文鄉試例派用。欽此。遵

旨議定。考試繙譯。三場併作一場。於滿洲大臣內派正副主考各一員。試卷俱令筆帖式謄錄。再於部院官內派對讀官三員。兼管謄錄所事。○又定。繙譯會試。俟應考人數已足六十名。再請舉行。○三年覆准八旗漢軍現在部院之筆帖式及貢監生員官學生。照滿洲蒙古例。俱准考試繙譯。其取中生員舉人進士額數。亦臨期視人數多寡。奏請

欽定。○五年定。八旗由貢監補用筆帖式者。准其與

考繙譯舉人。○九年

論。近見蒙古旗分人。能蒙古語言繙譯者甚少。沿習日久。則蒙古語言文字。必漸至廢棄。應照考試清文繙譯例。考試蒙古文繙譯。取中生員舉人進士。以備理藩院之用。如有學習漢書願就試漢文者。照常准其考試。於別部院補用。如此則蒙古旗分之人。益加鼓勵勤學。蒙古語言文字。不致廢棄。而理藩院亦收得人之效矣。著內閣會同理藩院議奏。欽此。遵

旨議定。八旗蒙古照考試清文繙譯之例。三年內考取生員二次。舉人進士各一次。其考試蒙古文舉

人進士。與考試清文舉人進士合為一場。其考試生員。派蒙古提督學政一員。考試舉人進士。派蒙古正主考一員。同考官二員。俱由該衙門行取各部院蒙古大臣官員職名。恭請

欽點。其謄錄試卷。派用各衙門能寫蒙古字筆帖式。其取中生員舉人進士額數。臨時由考試官擇應取試卷並備卷。奏請

欽定。○十二年議准。考試八旗繙譯生員。向在至公堂聚奎堂兩處考試。現因人數添增。照考試進士舉人筆帖式編入號舍之例。每遇場期。於貢

院內先將場中坐次編號。戳印卷面。諸生於點名領卷時。各照伊卷面所印坐號。歸入號舍。仍多派員役。嚴加巡邏。俱令遵守場規。不得任意往來。越號窺視。○乾隆四年。議准八旗繙譯鄉試。取中舉人。已足六十名。請舉行會試。○七年。定八旗繙譯會試。不必別為一場。即於文闈會試。二場時。另編號舍。一同考試。○十一年。奏准九品筆帖式。俟考中繙譯生員後。再准鄉試。至七八品筆帖式。小京官。俱准其繙譯鄉試。○又議准。繙譯科考時。將繙譯生員咨送。奏請

欽點大臣考試。列在一二三等者。方准鄉試。蒙古生員亦照此例。其繙譯童生亦於場前由該旗考試。其通順者方准入場。○十九年議准。繙譯鄉會試之設。原欲旗人學習清書。並非以科名為重。近年應試之人。多事鏤刻字句。希圖中式。於實在繙譯文義。轉覺相去逾遠。况學習繙譯之人。原可考取中書筆帖式庫使。亦不必藉鄉試會試以為進身之階。嗣後繙譯生員。應仍照舊考試。留為伊等考取中書筆帖式之地。其鄉會試永行停止。○三十二年奏准。考試繙譯童生。

由順天府都察院奏派監試滿漢御史各一員。行文兵部奏派副都統左右翼各一員。參領章京各二員。入場彈壓。○又議准。嗣後考試繙譯童生。令順天府府丞豫期行文該部。轉行各部院衙門。令各該堂官揀選人謹慎。精通繙譯之司員。密送該部。於請點閱卷大臣時。隨同開列進呈。恭請

欽點四員。隨派出之大臣即日進場。協同校閱。○三十一年奏准。考試繙譯童生。由本旗都統嚴行局試後。奏請

欽派大臣覆考取錄並

欽派王大臣御史於入闈時點名按檢。闈牆外步軍

統領衙門委員巡綽。○又奏准考取八旗繙譯

生員覆試時。監察御史仍隨同入闈彈壓。○四

十一年

諭。繙譯鄉會試停止以來。已二十餘年。近日滿洲學習
清文善繙譯者益少。著加恩以乾隆戊戌年八月考
試繙譯舉人。己亥年三月考試繙譯進士。既與文武
科場兩不相礙。且予伊等一年之功。俾得從容究心
繙譯。益臻精熟。○四十二年奏准八旗新滿洲等除

移居者不准考試外。其在京所生已過二三世能習繙譯者。准與舊滿洲一體考試。○四十二年奏准繙譯鄉會試。俱照文場例迴避。○又奏准繙譯考試。照文場例。行文各該旗出派參領佐領官。於黎明赴甌門外。逐名識認。○又議准繙譯鄉試。應考之繙譯生員。文生員。貢監生。天文生。中書七八品筆帖式。小京官等。由

欽派大臣先期考試。列在一二三等者。准其與新進繙譯生員一體入場。至會試。除繙譯舉人文舉人。准其考試外。其筆帖式。小京官。有係繙譯舉

人文舉人出身者亦准一體會試。○四十五年
吏部奏准嗣後考試繙譯生童應派考官及按
檢王大臣照鄉會試之例改歸禮部辦理。○四
十六年奉

旨。繙譯鄉試從前停止已久。嗣於乾隆四十三四年復
舉行考試。原係特旨加恩。今該部因屆三年復行奏
請。為期太近。恐開傲幸之門。此次所請考試之處不
必舉行。嗣後每屆三年該部照例具奏。其准考與否。
候朕降旨定奪。○四十九年奏准八旗繙譯考試自
雍正元年議定三年之內考試生員二次。舉人

一次進士一次。至乾隆十九年。遵

旨議將繙譯鄉會二試停止。其繙譯生員。因留為考取中書筆帖式之地。是以未經裁減。但三年兩考。為期太近。應改作三年考試。滿洲蒙古繙譯鄉會試。次。○五十二年定。八旗滿洲蒙古繙譯鄉會試。每屆五年舉行一次。○又覆准。八旗繙譯生員鄉試。由順天府咨取旗冊。送兵部考試騎射。○五十二年奏准。繙譯會試。仍俟繙譯舉人足六十名。舉行一次。○五十七年覆准。繙譯錄科。止須分別等第錄送鄉試。不必照考試繙譯童生。

之例迴避。○嘉慶四年奏准考試繙譯生員仍照舊例三年內考試兩次。○七年

諭。明年係繙譯會試之期。雖應試舉人不足六十名之數。但自乾隆五十三年以後。日久未經舉行。著加恩於明年舉行會試。○八年議准八旗繙譯鄉會試三年一舉。如遇

恩科亦一體

加恩。○九年

諭。本年繙譯士子與文鄉試三場並試。係屬新例。初次舉行。欲事歸簡易。轉致人數過多。坐號不敷。自應另

為改期。因思考試宗室。在文闈頭場。與各士子一體
局試。亦未周妥。且止一文一詩。竟日即可交卷。嗣後
宗室鄉會試。著改於各士子鄉會試三場畢後。十七
日點進。當日完場。其繙譯鄉會試。著於十八日進場
考試。來年會試。即照此辦理。○又議准。歲試年分。仍
照舊考試。繙譯童生。至科考年分。應考繙譯童
生。即歸入錄科一場辦理。

八旗考試。彈壓。○乾隆三十八年。奏准。考試文
生員及繙譯生員。彈壓大臣等。亦同覆試人等
入場。俟覆畢。隨棚而出。○嘉慶五年。議准。考取

八旗文生員由學政先期行文兵部考取八旗
繙譯童生由順天府府丞先期行文兵部均照
例按左右翼題請

欽點副都統一員參領各一員章京各一員於考試
及覆試日入場彈壓淨場後各回本旗辦事所
派參領章京各帶領催二名馬甲十名入場巡
視○道光元年

諭據御史奏近日繙譯考試多有槍冒頂替等弊
御史點名時親友跟役擁擠喧譁不遵約束請派員
彈壓等語考試場規理宜嚴肅繙譯事同一例何得

似此漫無約束。嗣後考試八旗繙譯。著承辦場務衙門奏請簡派左右翼副都統各一員。屆期帶領所屬官兵。在點名之處稽察彈壓。令士子等魚貫入場。如有喧嘩冒混者。按例懲辦。並著御史等據實參奏。以肅場規。而除積弊。著為令。○咸豐十一年題准。

聖駕駐蹕避暑山莊。遇有考試文武童繙譯童場。請派
彈壓副都統本章。應展前二三日恭請

欽派到日。暫存內閣。屆期由內閣拆封宣

旨。

欽定大清會典事例卷一千一百三十八

八旗都統

優恤 隨甲養廉 公費

隨甲養廉○順治初年定滿洲都統親隨兵八名。蒙古漢軍都統六名。護軍統領前鋒統領五名。公四名。侯伯滿洲副都統三名。蒙古漢軍副都統領侍衛內大臣大學士尚書左都御史子二名。侍郎左副都御史學士通政使大理寺卿詹事主府長史前鋒參領護軍參領驍騎參領男。佐領各一名。○康熙元年設甯古塔副都統。

歲支養廉銀七百兩。○六年定領侍衛內大臣
准親隨兵五名。內大臣准親隨兵二名。○十八
年定散秩大臣准親隨兵一名。○四十九年設
墨爾根城副都統。歲支養廉銀七百兩。○雍正
元年議准在京八旗官所定親隨兵之數。滿洲
都統八名。蒙古漢軍都統六名。領侍衛內大臣
前鋒統領護軍統領步軍統領五名。滿洲副都
統三名。蒙古漢軍副都統二名。步軍翼尉一名。
其所得銀米向與馬甲相等。嗣經裁汰。每月止
給銀一兩。米二斛。今將都統前鋒統領護軍統

領步軍統領副都統步軍翼尉等親隨兵照舊
給銀三兩。領侍衛內大臣職任較大。其親隨兵
數應與滿洲都統同。前鋒統領護軍統領亦有
管轄兵丁之責。其親隨兵數與蒙古漢軍都統
同。均支銀三兩。此等親隨兵毋庸給米。每歲照
米數折銀十二兩於支米時給發。○二年奉

旨。八旗大臣等親隨兵錢糧有領受者。有不領受者。此
後著一概照例給發。○又議奏。每旗前鋒護軍參領
皆有食一兩錢糧之親隨兵一名。今增給錢糧
二兩。米折銀一兩。至前鋒侍衛副護軍參領向

無親隨兵亦給予一名。每名食錢糧銀一兩。米折銀一兩奉。

旨。前鋒侍衛亦照參領例給予。○四年議在。驍騎參領每月給親隨兵餉二兩五錢。副參領一兩五錢。均不給米價銀。○五年奉。

旨。八旗大臣等應量給養廉。著動用兩浙鹽課餘銀萬兩。分給前鋒統領護軍統領前鋒參領前鋒侍衛等。再動用兩淮鹽課銀二萬四千兩。分給八旗都統以下至參領等官。○又奉。

旨。八旗都統副都統及參領等。朕將兩淮鹽課餘銀每

旗賞給千兩。其滿洲蒙古漢軍之參領多寡不同。將賞給三旗銀三十兩。即於三旗內合算。應給都統若干。副都統若干。參領若干。著管理旗務之王大臣議奏。欽此遵。

旨議定。都統各給二百四十兩。副都統各一百七十兩。參領十二人。並管理游牧察哈爾之參領一人。各六十兩。副參領十二人。各四十兩。再鑲紅正黃正藍三旗游牧察哈爾參領係本處人。原食半俸。居住游牧地方。應不給予。此三旗各餘銀六十兩。並大臣內有兼職者。所餘銀俟歲終令

聲明緣由。統於該旗公中收存。遇有應給之處。再請給予。○十年奏准八旗護軍校驍騎校。定例於每年春秋二季共支領俸銀六十兩。今增設之副護軍校副驍騎校等。每月皆支領月餉五兩。若遇閏月。較之護軍校等。轉多得銀五兩。嗣後副護軍校等閏月錢糧。仍照常給予。護軍校等俸銀。與副護軍校等。一例每月支給月餉五兩。○又設三姓副都統。歲支養廉銀五百二十兩。○乾隆元年奏准八旗滿洲副都統原有親隨兵三名。較滿洲都統少五名。今酌增一名。

蒙古漢軍副都統原有親隨兵二名。較蒙古漢軍都統少四名。今酌增一名。護軍參領前鋒參領驍騎參領原有親隨兵一名。今增一名。副護軍參領副驍騎參領前鋒侍衛原有親隨兵一名。今各增半名。其上三旗內務府參領等亦一例給予。以上各官所給親隨兵均每月給予月餉三兩。米折銀一兩。於正項錢糧內關支。至八旗佐領並上三旗內務府佐領奉有

諭旨於本佐領下額設馬甲數內各給一名。以為養贍之資。其支給親隨兵事宜。文官如尚書侍郎等

官兼管都統副都統事務者。除旗下養廉不支外。其都統等任內親隨兵餉。應准兼支。郎中等官兼參領佐領者。兼支參領佐領親隨兵餉。都統副都統及參領有兼佐領者。已支都統等任內親隨兵餉。其佐領親隨兵餉。不得兼支。旗員內有給予都統副都統等職銜現在行走者。照漢軍都統副都統例支給。加給空銜不辦事者。不得支給。額外都統副都統參領副參領等官。現在辦事者。照額設官支給。其不辦事者。不得支給。世爵如男以上已有親隨兵。若兼都統副

都統參領等官者止支領一處不得重支。文官三品以上原有親隨兵者仍照例支給。都統等官出差在外已有養廉者其親隨兵餉不得兼支。若無養廉者仍准支給。○又議准八旗佐領內凡有別任出差及不能辦事年少之佐領委人署理者其本人親隨兵餉停其給予。應給署理之人其有出兵及往馬廠等處差遣之佐領親隨兵餉仍給予本人。如署理之人本身別有親隨兵餉照原奏停其給予。○四年奏准八旗都統前鋒統領護軍統領等官給予養廉銀三

萬四千兩。除兼理旗務之王公及署理總兵等官外。每都統二百兩。前鋒統領護軍統領各一百八十兩。副都統一百五十兩。至八旗兩翼護軍參領等官。除試用並革職留任者毋庸給予外。餘仍照例按等分給。○十年奏准。每年養廉銀。領侍衛內大臣各給銀九百兩。滿洲都統各給銀七百兩。蒙古漢軍都統前鋒統領護軍統領各給銀六百兩。滿洲副都統步軍統領各給銀五百兩。蒙古漢軍副都統內大臣散秩大臣鑾儀使上駟院奉宸苑武備院卿步軍翼尉各

給銀四百兩。管理旗務王貝勒等。不給養廉。再領侍衛內大臣各旗都統內有兼管兩三任者。止照一任支領。此項銀兩。由戶部按兩季支領。三月給四分。十月給六分。現任軍營之大臣。照原職給予。其加副都統職銜在軍營者。照蒙古漢軍副都統例。給銀四百兩。或雖不在軍營。從前曾在應給例內者。照從前副都統例。給銀一百五十兩。餘銀照例於年終分給參領等官。印房旗員。照副參領例給予。其前鋒參領前鋒侍衛護軍等營參領副參領內。有試用並革職留

任者不得給予。○二十一年設阿勒楚喀副都統。歲支養廉銀五百二十兩。○二十五年奏准。凡在軍營補放副都統職銜。回京後兼銜補放總管者。仍給予二品俸銀。其養廉隨甲錢糧。按副都統之例減半給予。○二十六年定。凡發往軍營效力贖罪人員。其有在大臣職銜上辦事者。將應得養廉支給一半。○二十七年設伊犁總理將軍。歲支養廉銀二千兩。○又奏定。署任官員本有隨甲。其所署之任較大者。即支給署任之隨甲錢糧。○二十九年奏准。署理副都統

人員遣往辦事。其養廉照加副都統職銜之人辦理。○三十一年奏准凡派出駐藏大臣其本任既經出缺仍兼管文武職銜者悉照額外大臣例給予單俸。其養廉隨甲錢糧俱照漢軍都統副都統之例支給。○三十二年定。

盛京吉林黑龍江三處將軍每年養廉銀二千三百兩。西安將軍每年銀一千三百兩。綏遠城將軍每年銀一千兩。杭州將軍每年銀一千六百兩。江甯將軍每年銀二千五百兩。廣州將軍每年銀二千兩。福州將軍每年銀二千兩。荊州將

軍。每年銀一千兩。又米折銀三百餘兩。察哈爾
都統。每年銀一千一百兩。成都副都統。每年銀
一千七百兩。熱河副都統。每年銀五百兩。涼州
副都統。每年銀九百兩。青州副都統。每年銀七
百兩。山海關副都統。每年銀四百兩。京口副都
統。每年銀六百兩。乍浦副都統。每年銀八百兩。
西安副都統。每年銀九百兩。荊州副都統。每年
銀九百兩。

盛京吉林黑龍江三處副都統。每年銀各七百兩。
察哈爾副都統。每年銀四百兩。右衛副都統。每

年銀八百兩。

乾隆二十六年裁缺。

歸化城副都統。每年銀

五百兩。廣州副都統。每年銀八百兩。江甯副都

統。每年銀四百兩。

乾隆三十四年裁缺。

杭州副都統。每年

銀五百兩。福州副都統。每年銀九百兩。○又定

伊犁總理將軍。歲支養廉銀二千兩外。加給銀

三千兩。○三十三年奏准。江甯左右副都統。每

年養廉銀五百兩。○三十五年定。成都副都統。

養廉銀一千兩。涼州副都統。銀八百兩。其福州

副都統。西安副都統。甯夏副都統。廣州副都統。

熱河副都統。照乾隆三十二年所定。

盛京吉林黑龍江三處副都統養廉銀之例俱銀
七百兩。歸化城副都統銀六百兩。江甯副都統
銀六百兩。杭州副都統銀六百兩。荊州副都統
銀六百兩。山海關副都統銀五百兩。察哈爾副
都統銀五百兩。青州副都統銀五百兩。○又奏
准伊犁總理將軍歲支養廉銀裁減二千兩。○
三十六年奏准八旗大臣署理出差等項員缺
自任事日起。在半年以上者。照署任支給養廉。
令各該旗於下季支領養廉時。數明該員署事
日月。分析報部補行支領。其不及半年者。概不

得支。○三十八年改烏魯木齊參贊大臣為都

統。歲支養廉銀一千八百八十八兩。

謹案此缺
光緒十年

裁。○又奏准由署理副都統派往軍營辦事者。

其所署員缺無論是否補放有人悉照加副都

統職銜派往軍營之例支給養廉。○三十九年

改烏魯木齊古城巴里坤領隊大臣俱為副都

統。其歲支養廉銀兩烏魯木齊副都統銀六百

兩。古城巴里坤副都統銀各五百兩。○又奏准

凡王貝勒兼管旗務者照例不給養廉。其有貝

子兼管旗務者一體給予養廉。○又覆准各省

將軍副都統有回京治喪者。其未回任以前。應得養廉銀兩。及家口米石馬匹草料等項銀兩。按日扣除。造入空缺項下報部。○四十一年奏准。

盛京將軍。歲支養廉銀二千兩。伊犁總理將軍。歲支養廉銀三千兩。仍照舊數支給。其各省駐防將軍養廉米石草折銀兩。均以一千五百兩為率。新設之成都將軍。亦照一千五百兩支給。○四十二年定。各省將軍應得本色米石。准其仍舊支給。○四十三年奏准。各省將軍等應領折

色及本色米石。照舊支給。其廣州將軍之養廉米。西安甯夏兩處將軍之坐甲米。俱行裁汰。○五十七年奏准。侍衛章京等。如派往各處駐防辦事。其加副都統職銜者。仍照蒙古漢軍副都統之隨甲養廉支給。若署缺之員。派往軍營。所署之缺。業經補放有人。既無本任應得之項。亦照蒙古漢軍副都統之隨甲養廉支給。如係暫行出差軍營。加副都統職銜者。仍按其本任之隨甲馬乾等項支給。○嘉慶五年

諭健銳大器二營。俱有操演。如遇軍旅之事。每先派此

二營官兵。故每年賞給養廉銀二百兩。至圓明園八旗官兵。並不出派。毋庸給予。惟圓明園營總二員。伊等操演圓明園官兵。及一切差使。亦屬繁多。著加恩。每年賞給該營總等養廉銀一百兩。○道光七年議。准官員隨甲錢糧。侍衛拜唐阿等馬銀馬錢。向以每月初一日為準。分別扣支。如在初一日以前。遇有升遷外省。及降革等事故。請領銀錢檔內。未及扣除者。所有隨甲錢糧馬銀馬錢。不准支領。即將銀錢存儲各旗營庫內。於下月應領銀錢冊內。聲明照數扣抵。○十三年咨准。在京

八旗文武各大臣奉

旨派往各省署理督撫印篆。應支隨甲錢糧。無論已未過檔。下月即行停止。其有過檔後卸事回京者。下月隨甲錢糧亦不准補領。總以接任卸事日期為斷。如接任卸事在一月以內者。停扣一月。隨甲錢糧一月以外者。停扣兩月。俟該大臣回京之日。咨查該省接任交卸日期。再行分別扣領。又咨准嗣後各旗副都統職銜人員。如係西北兩路駐紮大臣及現在軍營者。照蒙古漢軍副都統例。歲支養廉銀四百兩。於春秋兩

李請領丈冊內詳細聲敘。毋稍遺漏。如僅止副都統虛銜。並非西北兩路大臣及現在軍營者。一概不得支領養廉。○光緒元年設

興京副都統。歲支養廉銀五百二十兩。○二年定盛京將軍。歲支養廉銀八千兩。○五年改呼蘭城守尉為副都統。歲支養廉銀五百二十兩。○七年設琿春副都統。歲支養廉銀五百二十兩。○十一年設伊犁副都統二人。各歲支養廉銀一千兩。隨甲四名。歲支銀一百四十四兩。

公費。○雍正三年覆准八旗滿洲蒙古漢軍各

處所用紙筆心紅黃綾布疋等項。滿洲旗每月需銀三兩。蒙古旗每月需銀一兩五錢。漢軍旗每月需銀二兩。其印房行走人員飯食銀。滿洲旗定為十五兩。蒙古旗定為九兩。漢軍旗定為十二兩。嗣後停其咨部領用。均於旗下房租內動支。其蒙古漢軍旗房租若不敷用於本旗滿洲旗房租銀內動用。所有用過銀數。各該旗於歲終奏銷。著為定例。至各旗官房。均酌量本旗公費。留取租息。餘房照常准令認買。所有年終彙奏餘賸銀及認買房價。皆交戶部收存。如有

用處奏明取用。各旗所交房屋將賣房銀數。行知戶部註冊。內務府所交房屋將賣房銀數。行知內務府註冊。○五年奉

旨。嗣後黑龍江吉林等處員缺。若自京補授前往者。不必論其品秩。均賞給盤費銀五十兩。○乾隆二年議准。八旗滿洲蒙古漢軍。每年各處支用公費紙筆繕寫奏摺家譜辦理俸餉冊籍修補官房買補倒斃駝馬等項。滿洲各旗。每年需銀千餘兩。蒙古每旗三百兩。漢軍每旗五百兩。○六年議准。向例自京補授黑龍江吉林等處官員。其盤

費銀有在本旗房租銀內支給者。有本旗房租不敷支給於別旗餘贖房租銀內支給者。但房租銀僅敷本旗公用。而外省旗員赴任。均有定限。亦不便久令守候。嗣後此項盤費銀。如本旗房租銀內現有餘贖。即行支給。如不敷支給。該旗即行文戶部。於戶部收存銀內照數支給。○又議。准都統副都統出差。往返在一月以上者。各給幫貼銀八十兩。兩月以上者。各給銀一百五十兩。至副都統往寶坻等處。查看官兵等差。官馬一項。准其一例給予。行糧概行停止。於養

廉銀內照出差往返一月以上之例給銀八十兩。八旗正副參領每年派往馬廠向領行糧亦應停止。一例於養廉銀內支給。照都統副都統一月以上兩月以上給銀之數減半支給。○十年奏准幫貼隨圍人等銀。即於找借庫銀內坐扣。護軍校驍騎校各一兩。前鋒護軍領催各八錢。馬甲六錢。收存庫內。以備幫貼。恭遇

聖駕謁

陵及

巡幸近處。僅止數日者。毋庸給予外。凡遇進哨等圍

在一月者。幫貼護軍校。驍騎校各二十五兩。前鋒親軍護軍領催各二十兩。馬甲十五兩。在兩月者。臨期都統等覈算收存銀數。酌量增給。由閒散選取之執事人。與由護軍馬甲選取之執事人等。一例當差。亦准幫貼。開戶馬甲。係一例當差之人。應於找借庫銀之月。於伊等錢糧內坐扣銀各六錢。幫貼時照馬甲例幫貼。如支領幫銀後。因事故別差他人。其銀應免。應追照現行例辦理。恭遇

聖駕巡幸。各該旗將坐扣過銀數。及各處差出人數。

於兩三月前行文直月旗彙總查辦。其所扣幫貼銀交廣儲司收存。支領時由廣儲司支領。○十三年奏准幫貼隨圍兵丁銀如所扣之項不能接續。即於戶部收存庫銀利息內先行動給。陸續坐扣補還原項。○二十三年

諭朕巡幸時支給隨從兵丁等幫貼銀兩。嗣後免其在庫銀內坐扣。俱著動用官項賞給。○二十五年

諭八旗兵丁。凡遇派出差務。在部支領路費銀兩。原係按日支給之項。設有在途病故者。例應計日扣算追繳。但念伊等因公奉差。在途病故。其中無力繳還者

居多。嗣後一切事務。如有在途病故者。著加恩一概免其追繳。著為令。○二十七年奏准。凡派出換班辦事。卡倫踏看水草等差之侍衛官員。並管糧文武員弁。換班之副將參將遊擊都司等官。均照屯田大臣例。借給二年俸銀。回京坐扣。其跟役皮衣折銀一兩。馱馬折銀二兩。○又奏准。武備院隨圍之圓氈房長支領路費銀十一兩二錢。備駝人支領路費銀八兩四錢。○又奏准。應領路費之官兵。由各該旗將旗分佐領花名兼寫清字漢字冊。送部查覈。有另派者。亦須造冊知

會。至領銀時。出具印結。亦須寫明字號。鈐蓋合
縫。明白印信。各衙門官兵路費。由該旗咨領者。
該衙門除咨行本旗外。亦造具旗分佐領花名
冊。知照戶部。各該旗亦將由何衙門派出之處。
聲明報部覈對。其支領路費之官兵。回京後一
月內。該旗該衙門將原派官兵名數。並領過銀
兩數目。及應補應交名數。分析起程回京日期。
彙造清字漢字冊。報部辦理。○三十年奏准。凡
作為侍衛。派往卡倫之護軍校。驍騎校。俱給予
整裝銀五十兩。其借支二年俸銀之例。即行停

止。○三十一年議准。隨圍官兵。有先行告假回京者。係私事。以告假之日為始。計扣路費。若因丁憂患病。及無可備差遣。令回京者。以至京之日為始。計扣路費。○三十五年議准。各省駐防官兵。均令該將軍等。確數額設數目。於餘息項下酌撥銀兩。如官兵遇有差務。及勢不得已之事。酌量借給。概不取息。即在各官兵俸餉內。限二年扣還。統於年底將出借扣回各數。造冊報部。其有尚未扣完。遇有事故。無俸餉可扣者。令於各該管官兵內。均勻攤扣完項。並責令各該

督撫就近稽查將酌撥銀兩逐年盤查報部以憑查覈○三十七年奏准新舊營房紙筆費用滿洲每旗每月出銀三兩蒙古漢軍每旗每月各出銀一兩○四十三年

諭嗣後派往各處辦事及兵差之大臣侍衛官員以至兵丁等應支借俸銀者各按品級支借一年俸銀其應賞者仍照舊例斟酌賞給○又奏准西北兩路遣往駐防官員將從前借支二年俸銀並整裝銀兩俱減半借給年滿回京照例坐扣○四十六年

諭凡朕巡幸之處。隨從兵丁皆於起程前支給路費。部中按其日數多寡。定例補領回交。但思此項銀兩。兵丁等於支領後。或已經用盡。若令復行回交。不無拮据。嗣後官兵路費。其多寡在五日以內者。俱毋庸補領回交。若在五日限外。仍著照例辦理。○五十年

諭嗣後阿哥等南苑行圍。所有派出之八旗護軍等。著施恩一體賞給路費銀兩。惟派一分護軍隨行。毋庸換班。○嘉慶四年奏准。凡派出兵差之廢員。除奉

旨令其自備資斧者。毋庸議外。其餘概按其所給職

銜支予單俸一年。回京後免其追繳。○道光二

十三年奏准添設擡槍兵丁四百名其津貼公費銀兩由烏槍兵四千名每月公費銀五錢冬夏止操六箇月分內酌減二錢得銀四千八百兩每年春秋六箇月每擡槍兵津貼銀一兩其餘每月每兵津貼銀六錢統計一年津貼銀三千八百四十兩尚餘銀九百六十兩作為十營製造木牌等項之用遇閏亦由此項餘銀津貼